



Broj:0101-10204/22

Sarajevo, 29. 09. 2022. godine

Ministarstvo za nauku, visoko obrazovanje i mlade Kantona sarajevo

N/r: ministrice prof. dr. Aleksandre Nikolić

Reisa Džemaludina Čauševića

Ministarstvo finansija Kantona Sarajevo

N/r: ministra gosp. Davora Čičića

Maršala Tita 62

Udruženju Studentski parlament Univerziteta u Sarajevu

Fakultetima/akademijama Univerziteta u Sarajevu

Predmet: Obrazloženje o proceduri donošenja Uputstva o plaćanju upisnina i školarina za studente koji studiraju u skladu sa bolonjskim sistemom na fakultetima/akademijama Univerziteta u Sarajevu u akademskoj 2022/2023. godini

Veza akt Univerziteta u Sarajevu : 0101-9381/22 od 12.09.2022. godine

U toku protekle akademske godine Služba za nastavu i studentska pitanja prikupila je podatke od svih organizacionih jedinica o modelima uplata upisnina i školarina. Pregledom prikupljenih informacija ustanovljeno je da se na fakultetima/akademijama/centrima Univerziteta u Sarajevu primjenjuju različiti modeli i iznosi uplata upisnina i školarina.

U cilju ujednačavanja prakse naplate upisnina i školarina na svim fakultetima i akademijama Univerziteta u Sarajevu, Služba za nastavu i studentska pitanja je fakultetima/akademijama aktom broj: 0101-9381/22 od 12.09.2022. godine dostavila Uputstvo o plaćanju upisnina i školarina za studente koji studiraju u skladu sa bolonjskim sistemom na fakultetima/akademijama Univerziteta u Sarajevu u akademskoj 2022/2023. godini.

Visina participacije cijena usluga i školarina Univerziteta u Sarajevu, te fakulteta i akademija u njegovom sastavu utvrđena je Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu („Službene novine Kantona Sarajevo“, broj: 19/09, 31/12, 36/12, 4/15, 15/15, 16/18, 21/18 i 25/21).

Ministarstvo za obrazovanje, nauku i mlade Kantona Sarajevo aktom broj: 11-05-38-28779-1/14 od 1.12.2014. godine je dalo tumačenje tačke VII predmetne Odluke. U dostavljenom tumačenju je navedeno da se tačka VII odnosi na sve studente, uključujući i redovne studente finansirane iz budžeta.

S obzirom na različitu primjenu navedene tačke VII od strane fakulteta/akademija UNSA, Kantonalna uprava za inspeksijske poslove je 2019. godine aktom broj: UP1-14-12-38-18669/18-

12/02-004 od 15.04.2019. godine tražila od Ministarstva za nauku, visoko obrazovanje i mlade KS ponovno tumačenje predmetne tačke VII odluke o visini participacije, a uvažavajući činjenicu da su prethodnim tumačenjem utvrđene dodatne obaveze i redovnim studentima.

Ministarstvo za nauku, visoko obrazovanje i mlade KS je aktom broj: 11-05-38-18098-1/19 od 13.05.2019. godine Kantonalnoj upravi za inspekcijske poslove odgovorilo sljedeće: **“Naprijed navedena odredba tačke VII Odluke se odnosi na studente koji sami finansiraju svoj studij (redovni samofinansirajući, vanredni i DL studenti).**

U cilju otklanjanja nedoumica u vezi sa primjenom tačke VII Odluke o visine participacije, a u odnosu na naplatu nepoloženih ispita redovnim studentima koji se finansiraju iz budžeta, cijeneći naprijed navedene dokumente, Senat Univerziteta u Sarajevu je Zaključkom broj: 01-28-148/19 od 25.09.2019. godine zatražio od Vlade Kantona Sarajevo jedinstven stav u primjeni navedene tačke VII Odluke o visini participacije.

Na Zaključak Senata Univerziteta u Sarajevu, Ministarstvo za obrazovanje, nauku i mlade Kantona Sarajevo je aktom broj: 11-05-38-33820-1/19 od 18.11.2019. godine odgovorilo sljedeće: „student koji se finansira iz budžeta Kantona Sarajevo a koji prvi put obnavlja studijsku godinu u toku ciklusa studija, a da pri tome student zadržava status redovnog studenta, a u skladu sa članom 164. stav (6) Zakona o visokom obrazovanju, prilikom obnove studijske godine plaća upisninu, jer takav student zadržava sva prava redovnog studenta.

Dodatno, Inspektorat prosvjetne inspekcije je 09.03.2022. godine izvršio je inspekcijski nadzor na Elektrotehničkom fakultetu, a vezano za nezakonitu naplatu upisnina i školarina redovnim i redovnim samofinansirajućim studentima, gdje je inspektorica konstatala da uplata obnova redovnih studenata nije izvršena u skladu sa Odlukom Vlade o visini participacije i skladu sa aktom Ministarstva za obrazovanje, nauku i mlade Kantona Sarajevo broj: 11-05-38-18098-1/19 od 13.05.2019. godine.

Senat Univerziteta u Sarajevu je na redovnoj 50. sjednici, održanoj 28.09.2022. godine razmatrao dostavljeno Uputstvo o naplati upisnina i školarina sa svim gore pomenutim dokumentima, te naložio da se isti proslijedi nadležnim ministarstvima, fakultetima/akademijama, Udruženju Studentski parlament Univerziteta u Sarajevu, te postavi na web stranicu Univerziteta u Sarajevu

S poštovanjem,

INSPEKTOR

Prof. dr. Rifat Škrijelj

Prilog:

- Kao u tekstu

Dostaviti:

- Imenovanim
- Nastavi
- a/a

